

雲龍州志

T° 3250/1301.81

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
JAN 15 1940

卷二	卷一	卷首	序
沿革	星野	圖引	凡例
	附氣候		目錄
元			姓氏

雲龍州志序

書以志名徵信也志而別之

卷之二

雲龍州志序

雲龍州志缺葉表

卷首第四葉 缺字

雲龍州志序

書以志名徵信也志而別之  
以州著四境之規模也述訪  
周故大綱舉而小紀亦彙稱  
旣當故善者勸而惡者亦懲



使穿鑿附會撫拾繁文以偉  
成篇帙則名存實亡亦安賴  
有是書也哉雲龍雖山谷小  
郡然地處邊徼與諸彝錯壤  
控制不可無術里分十二井

列八區征輸而撫字者尤必  
有方矧自前明萬曆以旋改  
土後流削平逆段者幾二百  
年又經

大聖人仁恩普被遠及窮荒文

明之運日漸昌熾駿、身非復  
六詔擯棄之舊習矣則凡土  
產風氣服食之宜人物材力  
之智愚勇怯山川形勢之阨  
塞要害與夫宜因宜安宜損  
宜益者守土之吏久應條分  
縷析備載簡端下啟愚蒙之  
視聽上資

形庭之選擇所係良非淺鮮乃  
翻閱舊刻創始於梅孝廉

趙惟精訂正於顧牧可亭增  
定於畢牧雲章亦卷分十二  
而實載州事者不盈數幅微  
特掛一漏萬抑且魚目莫別  
豈逸士多可記載必州益靡賴

以成書歟

文獻祀宋

之矧余固陋又何足云然而

中丞之命不可違也前代改州

之悉數君子經理之方不可沒

也爰取舊冊而汰其繁冗正其

舛雜益以三年於茲之日見耳

閩與都人士之記述參互而核  
讐之事必核實論歸有據志  
山川形勢則知何以備禦而守  
險志土產風氣則知何以酌盈  
而劑虛志人物材力則知何以

汶閣於前而化導于今蓋政  
闕乎課額別其難易視田賦  
為加詳也人物闕乎化理闡及  
幽隱并節烈六不遺也藝漢  
雜處情性各殊區而別之可



以得調劑之道士司興廢今昨  
不同譜而系之可以審駕馭之  
方藝文非闕於政治者必刪  
災祥雜異或緣夫妄傳者勿  
登日漬月累再閱寒暑而後

成編非敢曰居作者之林也聊  
為碩果之存以俟後之君子修  
飾而張大之以此為素地更施  
五采使成善本以相傳于勿替  
而無徒任耳目于長缺歸來者

也是余之所厚望也夫

省

康熙五十五年歲次丙申季

春

誥授朝議大夫雲龍州知州加

二級東牟王濟序



原序

榆屬有雲龍猶着面黑子耳城郭弗若雲南文風  
弗若太平原沃野不及鄧浪賓趙之一隅然則  
雲龍奚以志志雲龍者不幾東施之顰土梗之飾  
乎噫否否國家大建藩屏日照月臨溥海內外實  
疆理之况扼彛夏之交擅山川之險爲西南一閤  
要者顧鄙陜置之耶且段逆之平也前沈藩二臺  
使及彭熊兩監司經緯相宣不移時而崇氛滄霧  
旋就清謐荼旣飛疏楓宸書庸版部兼以都憲閔

公直指羅公振刷撫綏宏敷指畫而澤宮城隍闕  
梁亭障之屬次第底績萑苻綠林蕩滌殆盡不特  
負耒之子可以入而橫經卽彼雕題卉服惴惴焉  
毋敢涉潞水而蹂石門雖百雉不加矧昔未大顧  
已稱雄於金齒蒙鶴之衝爲榆西一屏蔽矣安得  
謂其山高林邃箐隱谿深而荒服之耶夫天地之  
氣自晦而明雲龍之風氣浸浸旣旦矣若木之華  
立可煥咸池之彩而州志缺焉何以信今而傳後  
哉則此志也匪以侈遐荒蓋紀我皇仁遠邈之休

也故不揣鄙陋而竊附榆屬之末

天啟甲子蒲月雲龍知州黔南周憲章識

雲龍州志序

趙未刻稿原序

原志所自始其禹貢山海遺意乎夫山川異域風土  
異宜民生異稟而立政設教因之以殊則方寓之志  
亦所以通天下之故類萬物之情而與禹貢山海相  
發明者也大理郡志載諸屬州邑甚詳獨於雲龍以  
地爲土州畧舉其名而已然考其輿圖廣袤千里高  
山大川之包舉幽巖邃壑之藏伏奇踪靈蹟之著見  
秦松漢栢之森茂大有出於尋常聞見外者至若三  
崇之雄秀巖巖作鎮黑水之瀕洞灣灣環抱千峯拱

翼萬派朝宗田疇平衍關鎖完固金碧蒼洱之外罕  
有其比不謂僻險榛莽中忽開此嘉勝第以達官貴  
顯遷客騷人車轍所不至棄爲彝壤者越二百年然  
名勝奧區終非腥羶之長得而有之遂耀文明於今  
日是則山川之名勝亦若有幸不幸存焉抑亦其運  
數之默定必待此而後開耶大父母周侯叱馭蒞茲  
拮据四載旣先後盡殄彝亂盛興文治謂境內山川  
名勝不可使黯而不章也以精好譚榆郡往事召使  
周覽其境而授簡綴輯用補郡乘之所畧以備稗史  
若夫通故類情以疏明禹貢山海之遺意以資政教  
則以埃鄭國僑張司空其人而此直用覆瓿云爾

岿

天啓四年甲子歲夏五月朔葉榆後學趙惟精明中  
甫撰

雲龍州志序

天下者一州之所積也志一州之書而政治之得失  
風俗之盛衰彙諸泚乘上之

大僚奏之

朝廷使邊郵之事瞭如指掌凡夫駕馭之方羈縻之法  
撫綏之道若燭照數計而龜卜焉其所關豈淺渺哉  
若是乎志一州之書即志一郡之書志一國之書志  
天下之書也而雲龍獨無志何也自開闢以來人不  
通中國目不覩禮義載籍無稽事蹟茂考若嬴秦已

前無論已至相如建漢節而其君請臣置吏張叔盛  
覽受業於司馬氏之門而西南始知有文教自是以  
還宜其人與事之可志者簡不絕書手不停披已而  
自唐宋元明以迄於

本朝何竟寥寥也豈崑山黑水之間跋扈鴟張戰爭不  
息而典籍淪亡與抑亦遐荒絕域鳥道紆回爲騷人  
墨士足跡之所不至而涖斯土者亦姑置諸不論不  
議之列耶然則雲龍之無志者果曷以故蓋以天下  
之大而視滇末矣以滇省之全而隸一斯榆末矣以

斯榆之四州三縣而僅僅有一雲龍抑又末矣而况  
侏儻卉服之鄉蒙氏僭封嶽瀆則崇山黑水爲蒙氏  
之藪也洪武初傅沐二大將軍平雲南宇羅明死佛  
光寨破而段保授土知州則崇山黑水爲段氏之窟  
也雒馬舊爲五井提舉司流官吏目一人視若贅疣  
則崇山黑水一販夫販婦之場也雖欲志之又烏得  
而志之迨前神宗四十二祀撫軍周公嘉謨題請改  
土設流又七年中丞沈公倣烱檄金滄彭公自新兵  
備熊公鳴岐平段進忠之亂消林養中之變而此州



之蠶叢為之一闢時州守周思南文采風流有志而  
未逮

今上龍飛之庚午年

制憲潘陽范公特

題具請以為滇志不止一隅而實關於全璧檄行州縣  
悉行採訪前蹟爾時鷓水丁君岫帆欲肩其任條議  
已具以文獻無徵而此事究亦闕焉未備芳宗自慚  
學問荒落無作史之才與論史之識然自歲丁丑秋  
謬膺

簡命業已承乏是邦則凡政治之得失風俗之盛衰皆  
得過而問焉遂徧歷州境以盡其名勝要害既而得  
榆城孝廉趙明中之未刻稿其間梗概已具决意敦  
聘名儒陳奭哈與州之紳士李崇山輩搜輯抄撮有  
經有緯舉其大者而小者亦所不敢遺哀其軼事而  
著者尤不可略日積月累而後成帙其一切疆域沿  
革風土人物田賦鹺法得失休咎之所自來既不失  
之荒畧而無倫次亦不敢憑諸臆斷而多缺訛要期  
可以傳信羽翼

聖治爲後人之法戒而止是後也詎敢竊附於外史之  
林博雅通人之目乎幸值

聖天子久道化成禮明樂備之時不能鼓吹休明頌揚  
功德是亦固陋者之耻也庶幾網羅放失勒爲成書  
藉手

昭代名公鉅卿獻之

當宇以備觀省而思長策知海隅日出大荒窮髮之區  
猶有萬里孤臣心懷魏闕柔遠招携不敢怠職則  
本朝大一統之規模浮晝獻琛重譯來庭固已訖於無

外矣以視古昔先王越裳之甸雉肅慎之恪矢豈得  
端羨於前也耶若夫州之人士因其盛衰攷其得失  
善善惡惡以感發其天良而創懲其逸志俾風氣日  
益道上爲西南一大都會則尤不能無厚望也夫

皆

康熙四十四年歲次乙酉病月吉旦奉直大夫大理  
府雲龍州知州內陞刑部貴州清吏司員外郎上虞  
顧芳宗可亭甫序



原序

郡邑之有志猶國之有史史也者誌美惡於當前  
垂法戒於後世典至渥也至於志凡境內之事靡  
不該載疆域山川城郭物產猶可歷久而不變獨  
是戶口之增減風俗之盛衰與夫文藝之升降月  
異而歲不同是必及時纂輯彙爲成書亦猶十五  
國風以脩太史採擇則志也即史也雲龍僻居天  
末漢彞雜處與內地不同粵稽往昔自長卿武侯  
恩威並著始納款於中國然猶叛服不常蒙段竊

據歷唐宋元三朝終未久歸王化即明初傅沐二  
公平定六詔而雲龍猶名爲甸亦未建州治也迨  
萬曆四十八年始建城於瀾滄江外嗣因距榆窩  
遠文移稽遲復遷於雒馬井形勢雖勝規模稍狹  
兩面皆山中通一水真所謂以山爲城以水爲池  
而不能施其築鑿之力者即衙舍廳宇悉係總戎  
故署未嘗鳩工庀材而創置焉故蒞茲土者類皆  
因陋仍儉而於志概未暇計及也至前任顧牧始  
訪採遺事傳集紳士名儒設局編纂凡疆域山川

城郭戶口風俗物產固已瞭如指掌燦若列眉矣  
余承乏以來田野漸闢人民漸聚風俗日醇厚人  
文日興起惟勉竭駑駘極力撫綏期不至於隕越  
已耳乃於康熙五十年十二月內

院憲續修滇志用光大典檄令各州縣採輯軼事  
以資參考余隨備查五六年來一切事宜并博訪  
紳衿父老公同酌議務於事蹟之最確聞見之最  
真者補綴一二捐貲剗劂聊備

上憲採擇他日省志告成上之

彤廷頒諸史館則志之所在即史之所在孰謂志與史不並重於天下也哉是為序

康熙五十一年壬辰季春吉旦奉直大夫大理府雲龍州知州東光畢仕魁序

修志姓氏

纂修

雲南大理府雲龍州知州加二級紀錄一次王 符 福山人

同閱

雲龍州州判加一級胡錫熊 會稽人

雲龍州儒學學正李恒晟 江川人

雲龍州儒學訓導吳魁南 羅平人

參較

雲龍州舉人李 儉

太和縣貢

生劉文炳

採訪

雲龍州貢

生趙壽章

楊天柱

廩

生尹軋佑

李圻

訂正

廩

生董其文

胡禹謨

童生黃燦壁

凡例

一雲龍舊有志書流傳數年矣然設官未久事實本自無多載筆者增益而附會之未免浮夸失實今且難信况傳後乎余忝守茲土屢奉

各憲檄取不得已而更定之以應命非敢曰狹小前人也

一凡志綱目既定必冠數語於篇首所以該括義蘊使觀者曉然也舊志亦列小引實按之則邈不相屬昌黎云戛戛乎惟陳言之務去故悉易之雖不

必盡歸雅馴要期切乎情事而止

一高卑原有定位風雲各有所從無容混也舊志星野附於輿地沿革襍於疆域井里並於關梁里砦顛倒而不倫舖舍重出而無謂諸如此類足眩觀聽今於繪圖之後審其位次各以類從約爲十二則庶幾綱舉目張條理井然

一全滇爲禹貢梁州之域周成王合梁於雍俱屬井鬼分野趙志以滄江來自吐蕃爲合梁於雍同屬井鬼亦自有據茲土重山疊水數十里外氣候寒

燠懸殊不可不辨故遵通志例附載焉

一州縣沿革雖統於郡而一境之內亦自有治有亂可以鑒得失昭法戒焉前志惟以郡志沿革冠之殊屬荒畧茲特博稽近採自元代設官以迄於今凡改土設流徙治遷學諸事績罔不具載而其間大故莫如平段林二逆並附其後一開卷而百餘年掌故朗若列眉矣

一志疆域不啻繪輿圖須使人不下堂階而自得於湖山千里之外斯開卷爲有益若南北易位遠近

雲南州志  
失實將焉用之州志今已非昔而山川道里猶仍  
舊州原本甚至以北爲南以近爲遠安所取以爲  
據乎茲以雒井爲合境之中而四履皆準此品山  
水則首德龍泚江列版圖則先八井十二里皆詳  
其里數註明某山某水出於某井某里無敢一筆  
混淆豈惟傳信亦使聚米者知所區畫焉  
一茲土賦役無多片楮可盡惟鹽務利弊多端前志  
僅以尺幅了之不無掛漏今將八井情形行鹽額  
數一一條分縷析並載簡端

一學校爲育才之地所闕甚鉅舊志載之衙署之後  
似軒輕失宜茲特爲一篇其禮樂器數雖邊鄙未  
能具備而經制品節不可不存之以當餼羊選舉  
出自膠庠得附其後降而異途他志從無載者刪  
之

一志載官師凡官斯者俱應備載茲土設弁戍守歷  
有年所舊志遺之畧矣茲特補入至於土司除字  
氏現襲外雖皆未領號紙而土民戀之如慈母其  
累世忠勤自不可沒因並列焉若學正襟訓導之



內土州剋流官之先殊覺非體今俱正之庶各得其職矣

一志載藝文原非誇多鬪靡必寫州之景紀州之事乃為可存非是者不與焉雲龍設官自元始前此自無可徵舊志撫拾太博凡漢唐以來名作有一事之涉於全滇一語之近於雲龍者即竄入之殊淆觀聽茲特汰之惟期於比事屬辭而止故諭蜀之檄折臂之吟皆在所刪即長卿香山交口責我所弗恤矣

州志目錄

卷首

圖考

卷一

星野 附氣候

卷二

沿革

卷三

疆域 附山川

形勢 津梁

里砦 勝景

場市 古蹟

卷四

建置 附祠祀 寺觀

卷五

風俗 附種人

卷六

賦役 附鹽政

卷七

物產

卷八

學校 附選舉

卷九

官師 附名宦 兵防 土司

卷十

人物 附仙釋

卷十一

災祥 附襟異

卷十二

藝文

雲龍州志卷首


圖說

志必繪圖所以驗山川辨疆界也雲郡去會城  
千餘里崇巒陡澗迥絕人區官斯土者非圖奚  
考况井列爲八滷之多寡不能強同里分十二  
地之肥瘠各有差等弁圖於簡端亦守土者之  
一助焉

至孫足交保山縣界

正西二百五十三里

正南八十里至乾海子止交永樂縣界



浪分疆交浪穹縣界

州境圖


正西二百五十三里交蘭州界




正東一百一十七里





學宮圖



學宮圖



公署圖



雲龍州志卷一

哈佛大學漢和  
圖書館珍藏印

大理府雲龍州知州王 游纂修

星野 附氣候

以宇宙之大而有滇以滇之全而有雲龍彈丸  
之區耳然猶是章亥所履也則猶是南正所司  
也益州占使者之來朗陵奏賢人之聚以天驗  
人確乎不爽豈以邊隅而忽諸至若冬夏之候  
亦有與箕畢之好相徵應者不可不察也志星  
野



謹按通志曰星野之占九州皆有定位惟滇附於益以合雍皆參井鬼之辨諸家因互為牴牾然班固曰秦地東井輿鬼之分其界盡於西南梓潼越嶲益州唐一行曰天之高者惟北辰而井與北極最近地之高者惟崑崙而秦蜀滇與崑崙為近定分野者必以此為準故秦在西北則黃道所經之井即秦分野蜀在秦西南則近參之井即蜀分野滇又在蜀之南則近鬼之井即滇分野是滇在井鬼之間明矣且天狼弧矢在井鬼之南主南彘良絕

諸司之地占南彘者必於狼則志滇分野者亦必於井鬼往歲熒惑入井鬼而普逆亂作熒惑守輿鬼薄積屍氣而吳逆敗亡又其明驗也葉榆趙惟精曰昔鄉先生楊士雲給精於象緯嘗曰安普臨元二道應合蜀屬皆參金滄洱海二道應合雍屬井鬼四道皆明制蓋榆屬益州郡即古梁州域周合梁麗江西北接吐蕃乃陝西徼外境而蘭滄江自吐蕃來則其地合於雍星屬井鬼益信

氣候

滇地較各省爲高日之出入皆在卯酉比京師每  
遲一刻雲郡較省會諸處更高日之出入早晚更  
異雒馬井爲州治寒暑無分常如春秋節氣夏可  
不葛冬可不裘諾鄧石門大井天耳與州治同而  
微寒每遇雪四山皆白而迤州獨無其明徵也開  
坪箭桿師井順盪十二關雖六月亦寒隆冬則見  
冰江外及歸化等處較雒井差熱禾每早登漕澗  
居州西南隅最寒如雪冲陡澗絕壑盛夏猶積雪

六庫居州西北隅入夏即大熱路多瘴不可行冬  
又大寒遇積雪時人踪俱絕蓋地處極邊高山隔  
截故一州之內而氣候不齊也

雲龍州志卷一終

雲龍州志卷二

大理府雲龍州知州王 游纂修

沿革

崇山瀾水古有之矣徒以域於南詔自宋以上  
無徵焉元代設官僅羈縻之前明改土設流紀  
綱粗舉我

朝聲教四訖禮明樂備遂駸駸埒於中土可見風  
會以漸而開治具積而大備由今溯昔其可忽  
哉志沿革

自南詔竊據滇境雲龍賧其諸部之一也故自元

以前沿革統於郡按郡志大理在唐虞為南交味

於雍國曰昆彌戰國屬楚漢元封間置益州郡東

漢屬永昌郡蜀漢分置雲南郡晉因之兼置寧州

李特據蜀屬漢州宋屬河陽郡齊改屬西河郡梁

陳仍之隋屬益州總管府唐屬姚州開元後蒙氏

竊據號大禮國五代及宋鄭趙楊段四姓繼據迨

之段氏改大理國元憲宗時立上下二萬戶府迨

至元間始立雲龍甸軍民總管府明洪武十五年

西平侯沐公英穎川侯傅公友德平大理諸處元

逋臣普顏篤據佛光寨叛金齒土酋高大惠構麓

川入寇二侯復提兵征之雲龍土酋段保率所部

從征有功授雲龍州土知州隸大理府正統間設

流官吏目一人後因令署州印理其賦役詞訟復

設提舉司於諾鄧耑理鹽課嘉靖間改治雒井時

土官段表章昵其嬖妾正嫡羅氏忿恚携其子奔

歸蘭州母家割去浪宋七寨為養贍庄其後遂不

復還萬曆間段姓疏族進忠以其酋綬非段所出

告訐不休既不為當路所直遂糾集克黨戕殺綬  
子嘉龍據漕澗虛聲恫喝要求州治始議棄舊州  
徙於提舉司治先是雒井士民以其地文風漸興

學校未立士遊別庠又提舉司惟司益政民事不  
 得預非便屢請改州建學萬曆四十三年兩臺疏  
 請得旨改知州為流官裁提舉併於州割浪穹縣  
 六里隸之按浪穹縣志以縣地有二十一里歲例  
 入親官民俱因而箭桿師井諾鄧上五  
 井十二關順盪六里皆山谷險遠之地與雲龍錯  
 壤賦役無多議割付雲龍為浪穹縣官免覲之計  
 當事難之至萬曆四十二年值段逆之亂金滄道  
 張公文耀至邑人復申前議公力為轉請蒙布政  
 李公燾撫院周公嘉謨按院毛公堪會題得旨設  
 流官知州割六里隸之自此浪穹縣官得免覲焉  
 移州治於司治設州學及知州周憲章至力主勦  
 議申訴大理密聞本道彭公調兵擒之亂遂平乃

建議謂移治井司是自棄險要以予逆也不可會  
 兵道熊公以撫彝至聽其說因相度形勝築城建  
 學於蘭滄江外三七之地百廢具興時天啟甲子  
 歲也然是時以段逆初平為控彝計耳其實雲龍  
 以塩課為要務井司遙隔不無鞭長莫及之勢崇  
 禎間知州錢以敬仍移治於井司即今雒馬井州  
 治四山拱抱二水迴還適當州轄之中糧課徵輸  
 上下咸便諸生釋菜肄業不致裹糧而涉於以統  
 攝八井控制諸彝得居重御輕之義

本朝仍之更新學校添設兵防薄賦輕徭尊賢養老治具畢張殆貽茲土以萬年磐石之安矣

平段進忠

段進忠段氏支庶也初土知州段文顯歿無子其妻尹氏嫉夫弟錦鮮之得位也與其黨構陷斃之獄育他姓子冒段氏裔要衆保結廣賄豪有力得襲官是爲段綬進忠父早忿其事與之爭告訐有年及綬子嘉龍將襲職忠復持先說控告道院詳訊斷令嘉龍襲知州而以巡捕職予忠會嘉龍猶

未襲忠不勝愧忿結所仇恨嘉龍妻喇忠等率蒲甸彝襲龍殺之殘裂肢體倡言上司檄我爲知州卽州治上任大饗其衆三日而後去之漕澗大修攻戰之倏然猶未敢顯稱亂也事聞當路差官卽訊忠亦飾詭說遣其黨抗辯坐巢穴弗出諸問官亦第用好言撫之終不敢相逼而桀驁愈甚驕其衆曰土官皆畏我因擅州境賦稅差發奄有之時時劫戮弗從亂者標首矛梢以爲戲內則大治兵鏹削崖塹爲不可攻計外則四處劫掠積芻粟將

乘隙動永大諸郡咸震駭兩臺部使議剿且有日  
以寫險久不決前奉委經畧其實無任事心第甘  
言餌之幸旦夕且無事而梟獍之性益謂易與及  
改流徙治之議成繼知州事者爲思南周侯至則  
逆寇雄據州境五井人民逃竄道路梗阻粗立官  
司草設禦備而晨夕恐寇兵之襲也侯力以擒剿  
爲已任指畫警備堵截險隘防其攻襲逆兵屢出  
輒挫乃假投情款明事要挾意欲決得酋職不然  
則伺間大逞踵南詔故事也侯深心密計謂逆所

恃地險黨強挾其衆以犯我雖大兵剿之未易爲  
力防遏之使不得動携其心腹調使離穴可坐縛  
也因其投情款佯許令申訴而諭降其謀主喇忠  
等忠羽翼已去又偵知侯布置已定將各道並舉  
勢益窘計無何郎託言稱訴率衆五百餘挾刃矢  
由永平急趨大理侯密聞本道彭公調兵四集遣  
薛中軍陳周二指揮率勇士擒之龍尾閣並從亂  
者共十四人諭遣餘衆又親入漕澗撫安各寨羣  
衆亂遂平

論曰昔衛有二女而亂者數世段首百年中羅  
姓裂其疆尹姓移其宗字姓釀其禍三孽相繼  
不亡何待將段之功微寵厚福過災生抑其山  
川風氣欲開假數人者發難爲驅除地耶因其  
開而培固之在善治者必有道矣

平林養中

林養中阿猖彝也生而魁梧猛鸞有膂力善用弩  
可敵數十人方段進忠猖亂時防護浪滄渡保障  
蘓溪舖偵探出戰甚効力及進忠旣擒養中恃其

粗勇謂莫與爲敵漸露跋扈效進忠所爲霸據官  
田不服清丈不納賦稅聲言復州免賦以要結其  
亂黨時時劫殺往來人數傳悖慢語謂州官止宜  
治五井以雲龍州治地歸之併授爲土官其愚妄  
逆亂如此旣屢撼周侯弗爲動侯備禦素嚴無隙可  
乘每以恩信諭降其黨前後數十人擒其弟養節  
凡中所向輒挫之復遷還州治於其地築城建署  
中見勢逼望風迓迓渡潞江棲茶山野人之境然  
日治兵招集彞黨圖潛襲州治遠近畏恐亦如進



忠存日矣變聞當路急索之收其父兄妻妾日拷掠中益逃匿終不出侯謂此不可急徐可餌而致彘性忍懷安知有父兄獨知有妻妾耳乃釋其妻李氏妾女息歸使寧家而密購其鄰佑使潛伺擒之外若付之不復治者中戀其妾招之潛往三次皆遇黑熊當路不得前會其寨內食盡亦見我不與治遂於三月十三日夜潛回抵妾所欲裹糧食挾妾去會侯所遣李正芳李直喇武等偵知之十四日蚤急令其屬報州求援而各藏兵又密分布前後先令敢勇者段早成入其家計給之女息先見遽喊聲中因挺刃出早成急以木杈扼其頸按之壁間欲生致之中刃斷其杈劈斫早成削其左耳見顱骨段紹言喇武急併進中張弩擬射爲紹言挺打落又刃傷紹言喇武奮刃斫之中遂死割其首級獻州遠近聞之無不稱慶侯因出示曉其黨以脇從宥弗治衆心俱安潛解散數年之大害乃盡除事在天啟四年三月也

雲龍州志卷二終

